



EDITOR:
Bonaire Communication Services N.V.

Djasabra 6 April 2024

| Preis: \$1.25

“

Un muhé ta risibí
mas influencia di
loke e ta imaginá
for di loke nan ta
papia di dje

BONERIANO

GRIFFIER A TAP EMAIL DI KONSEHALNAN

Presiosidat di Boneiru



No opstante diferensianan di opinion, tin algu riba e pida baranka aki ku tur ta disfrutá di dje. E presiosidat di naturalesa di Boneiru. Sea bo ta bishitá òf ta biba aki, boneriano òf kualke otro nashonalidat, tur ta di akuerdo tokante e balor di nos naturalesa. Mester apresi'é i konserv'é

Partisipashon di
Parokia di
La Birgen di Coromoto

Djasabra 6 april
boutismo pa 5'or i misa na
ingles pa 6'or atardi,
7.30 anochi misa

Djadumingu 7 april
misa 7'or i 10'or mainta
Atardi 6'or

 CHANGAN AUTO



CS55 PLUS

 /dabboussimotors

Izaïn Mercera
no ke laga kul-
tura riku riba e
isla bai pèrdí

PAG14



\$10 FREE SLOT PLAY

Sign up for your FREE Player's Card
and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO

MANTENE BO
VEHIKULO OF
EKIPO DEN
KONDISHON
KU PIESANAN
KUMPRA NA NAPA



xerox™

 **OBERSI
ELECTRONICS
BONAIRE**

Alkalde di Medellín ta prohibí prostitushon den bario turístiko El Poblado

K R A L E N D I J K / MEDELLÍN -- E alkalde di e siudat Medellín, Federico Gutiérrez, a emití dos dekreto na komienso di e siman akí pa frena eksplotashon seksual den e bario El Poblado, ku ta hopi popular bou di turista estranhero. E medidanan ta bini despues di un insidente ku un turista Merikano kende a keda atrapá ku dos mucha muhé bou di edat, den hotèl Gotham, ku ta keda den área di El Poblado.

E promé dekreto ta suspendé pa seis luna konsekutivo e oferta i uso di servisio seksual den e bario. Gutiérrez a spesifiká ku e medidanan no tin komo meta persigui prostituta, ku segun konstitushon di Kolombiano no ta prohibí. E enfoke sinembargo ta riba esnan ku ta eksplotá e prostitutanan, nan klientenan i estableimentunan ku ta fasilitá enkuentronan di índole seksual. E dekretonan a drenta na

vigor for di djaluna promé 1 di april.

E hotèl konserní, kaminda e Merikano tabata ku e dos mucha muhé nan yòn, komo sanshon mester keda será pa un periodo di 10 dia riba òrdu di outoridatnan lokal.

E di dos dekreto ta kambia temporalmente e orario di operashon di e estableimentunan komersial den Parke Lleras, unda kada dia sentenáres di hende muhé lokal ta bai pa topa prinsipalmente hòmbenan estranhero. Empresarionan di e parke popular a bisa di ta eksperensia e medida komo un baño di awa friu i ta konsiderá e medida komo unu desproporshonal.

Turistanan estranhero ku ta buskando relashon seksual ku mucha bou di edat, no ta e úniko problema ku Medellín ta enfrentando aktualmente. Vários turista estranhero den último lunanan a keda enkontrá morto entre otro na Poblado, den kambenan di hotèl,

despues di enkuentronan di índole seksual, despues di a topa hende lokal riba aplikashonnan manera Tinder i otro servisionan similar.

Ta sospechá ku a droga e víktimanan ku supstansianan fuerte pa manda nan leu pa por hòrta nan pertenensianan. Den sierto kaso, ta sospechá tambe ku a duna nan un dosis demasiado grandi, di modo ku nan no a lanta bèk, pero a stek den e proseso.

E susesonan ya a pone Gobièrnu Merikano saka aviso pa na siudadanonan pa tene hopi kuidou ora di konosí hende na Medellín riba e asina yamá 'dating app'. Den e promé lunanan di e aña, a registrá 16 kaso di estranhero ku a haña morto bou di sirkunstansianan sospechoso, entre kual un abogado Hulandes.

E turista ku a topa ku e dos mucha muhé nan yòn, mientrastantu a hui bai for di Colombia. Ounke a hiba e hòmbner Warda di Polis pa interrogashon durante

vários ora, a lag'é despues den libertat pendiente e investigashon mas aleu. Mientrastantu a inisiá tambe un investigashon disciplinario kontra e dos polisnan ku a laga e hòmbner den libertat.

E muchanan muhé ku a haña ku e sospechoso tin respektivamente 12 i 13 aña. Empleadonan di e hotèl a bisa ku a haña kondon usá i tambe restunan den droga den kamben di e Merikano.



Alcalde Gutiérrez na momentu ku e ta partisipá e dekretonan na públiko.

Bon pa bo sa

****Bo tabata sa ku turtuga tin hopi influensia riba ekosistema. Nan ta un espesie klave den e ekosistema marino. Turtuga korèt ta un miembro importante di nos ekosistema marino.**

Ora e turtuga karèt bira bieu, nan ta kome prinsipalmente spòns. Dor di kome e spònsnan akí rònt di e ref, nan lo no tin e oportunidat pa kompeti ku e koralnan. Esaki ta nifiká ku e refnan ku turtuga karèt tin mas espasio vital di koral, resultando den mas biodiversidat.

Ki tempu bo a mira bo último turtuga karèt landando na Boneiru.



Yuda nos tene nos playanan limpi



www.extraboneiru.com



Pronóstiko di tempu pa Boneiru

Djaweps 04 te Djabièrnè 05 April 2024
Parsialmente nublá i chèns pa un áwaseru

Ta parsialmente nublá i prinsipalmente awe tin chèns pa un áwaseru. E temperatura máksimo lo ta aproksimadamente 32°C, e temperatura mínimo mas o ménos 26°C. Bientu ost ta moderá te basta fuerte, forsa 4-5.

Altura di ola: 1.5-2.0 m (5-7 pia)

*** Altura di ola válido pa laman grandi**

Batido di klòk ta divulgá:

GRIFFIER A TAP EMAIL DI KONSEHALNAN

KRALENDIJK – Griffier interino, Arjen de Wolff, un bia mas ta den publisidat negativo. E wèpsait di notisia Dossier Koninkrijkrelaties a publiká un artíkulo den kua ta kuestioná fuertemente proseder di e griffier aki. Ta bisa ku el a duna su mes aksesu na kuenta di email individual di miembronan di Konseho Insular i ámtenarnan. Esaki a sali na kla for di tráfiiko di email dentro di Entidat Públiko Boneiru.

De Wolff ta atmití esaki, pero ta indiká ku esnan enbolbí mes a pidi pa esaki. Miembronan di Konseho Insular sinembargo ta desmentí esaki.

For di korespondensia ku un fuente kuidadosamente a saka pafó, parse ku na òktober de Wolff a duna enkargo na trahadónan di IT di

Entidat Públiko Boneiru pa sòru p’e haña aksesu na failnan di e brivenbùsnan digital di polítikonan i personal di Griffie. De Wolff a deklará ku el a hasi esaki pa evitá ku personanan no outorisá pa drenta den e bòksnan di email. Den un email ku a lèk, sinembargo no por haña e argumento akí bèk.

Riba un pregunta di un kolega sí e tambe ke tin aksesu na e failnan di Kolegio Ehekutivo, de Wolff a kontestá: “Konseho Insular, esei ta sufisiente.” For di un otro el a haña atvertensia enfátikamente ku e investigashon di failnan di miembronan di Konseho Insular no por sin ku Gezaghebber ta na altura. E konseho di un eksperto di IT eksterno pa informá Ministerio Públiko, no a spanta de Wolff. Esaki korto tempu despues ta

informá trahadónan ku el a haña mandato pa tira bista kòrtiku den e failnan di e bòksnan di email di un kantidat di miembro di Konseho Insular i trahadónan di Griffie.

Pidí pa un reakshon, de Wolff ta indiká ku e operashon pa tira bista no tabata intenshoná pa tap, pero netamente pa evitá salida. E deklarashon akí parse ta pará riba pia di span ku e atvertensia di un otro hefe di servisio. Esaki a laga de Wolff sa ku e loke e ta hasiendo ta sin outorisashon di Kolegio Ehekutivo i no a informá Gezaghebber i mihó e laga e miramentu di kuantanan di email pa Rijksrecherche. E hefe di servisio enbolbí ta finalisá su mensahe ku e partisipashon di no ke kontribuí na e operashon.

For di korespondensia no por saka afó sí de Wolff a atendé riba

propio inisiativa, òf riba enkargo. Ounke mas hefe di servisio a ekspresá nan preokupashon, ningun hende a akudí na e ofisina di integridat interno. Gezaghebber interino Oleana, ta laga e pregunta sí e tabata na altura, sin kontesta. Mira email di otro hende sin outorisashon eksplisitamente, ta un krímen ku por keda kastigá ku un kastigu di prizòn. Te asta Polis no ta permisibel pa hasi esaki tin petishon di Korte. De Wolff ta para riba ku el a hasi esaki riba petishon di miembronan di Konseho Insular. Pidí despues, lidernan di frakshon Daisy Coffie di M21, Benito Dirksz di UPB i Humphrey Wout di MPB, ta desmentí. “Mi no tabata na altura di esaki,” Coffie ta enfatisá.

Dirksz no ta hasi uso di kuenta di email di

Entidat Públiko Boneiru. “Mi no tin konfiansa den e manehadónan di e sistema. P’esei mi tin un email personal spesial pa mi korespondensia komo miembro di Konseho Insular. Den pasado mi tabatin mal eksperensia tempu ku mi tabata Diputado. Tabatin sospechoso fuerte ku tabata mete ku mi failnan. Mi sa ku tin mas miembro di Konseho Insular ku no ta hasi uso di kuenta di email di Entidat Públiko Boneiru.”

D o s s i e r Koninkrijkrelaties a puntra de Wolff sí tin un indikashon spesífiko òf sospecha pa tap e tráfiiko di email i sí for di mas banda a deskonseh’é urgente sí el a konsultá ku Kolegio Ehekutivo òf Ministerio Públiko. E griffier interino no a kontestá e preguntanan akí.

Temporada di intoksikashon di komunidat ku ideologianan eróneo ta aserkando

KRALENDIJK -- Luna di yùni ta aserkando i atrobe e temporada pa sigui infiltrá nos komunidat ku ideologianan eróneo ta kuminsando. “Mi intenshon ku esaki no ta pa insultá niun hende òf duna un sintimentu ku mi ta husgando, simplemente mi propósito ta pa konsientisá ku e bèrdat,” Noel Janga di Evidensia Real, ta skirbi.

Komo un persona ku ta kere den prinsipio bíbliko, kual ta eduká e ser humano tokante di e propósito di e kreador pa a krea hende

hòmber i hende muhé kada un diferente ku nan ròl den humanidat, Janga ta haña ku e no por sinta mira kon e influensia prosedente di mentenan perverso akí kier implementá nan ideologia eróneo kargá ku konfushon den mente di inosentenan ku ta biba den e komunidat akí.

Janga: “Sí ta ami so komo kreyente den e komunidat akí tin ku konsientisá den e komunidat di esaki, lo mi hasié. Mi meta ta pa duna esnan konfundí e banda di e realidat di e eksistensia

di e seksonan. Pa tur ku kier skucha i husga pa nan mes. Pasobra na final ora nos ta para dilanti di Dios, kada un di nos lo karga e konsekuensianan di nos aktonan. E amor di Dios ta indiká mi pa konsientisá ku e bèrdat. I esei lo mi hasi tambe henter e luna di yùni na momentu ku e forsan di skuridat disfrasá den bachi di angel di lus inosente sostené pa leinan humano kier bin infiltrá den e komunidat akí.”

Segun Janga, e no ta odia niun hende. Mesun

derecho ku esnan ku ta trese e ideologianan eroneonan akí tin pa trese e mentira akí dilanti, e tambe komo un yu di Dios tin mesun

derecho pa trese e bèrdat conforme e palabra di e kreador dilanti. Su úniko motivashon ta berdadero amor.

AMTENAR NO TIN RESTRIKSHON
PA MANIFESTÁ

Pa aviso i komunikado den Extra/BONERIANO
Redakshon:
extrabon@gmail.com
Aviso:
avisobon@gmail.com

Pa mas informashon por yama nos libramente na 717-8482

BONERIANO e korant mas lesá aki na Boneiru!

Wowo di pueblo!

Segun Farid Ayubi:

Landfill ketu bai un molèster

KRALENDIJK - Siudadano Farid Ayubi ta kompartí ku komunidad tokante e molèster ku Landfill ta okashoná. “M’a primintí mi mes, mi famia, tambe mi kedu i pastor ku mi no ta papia palabra malu mas riba facebook. Pero e momentu ta bai yega ku mi no por wanta mas i ku mi ta bai manda un par di hende den **nan mama. E ora ei ke bisa Farid ta ònbeskòp. Awe ya ta e di kuater anochi ku nos barío ta wòrdu bombardia ku

holó di huma prosedente di Landfill . Ayera mi a bai traha, kasi mi mester a legumai bin kas di kansa ku mi tabata. Awor aki tin 12.31 di anochi mi kas ta yen di holó di huma. Nos wowonan ta pika i nos tin doló den nos frenta. Kòrda mi a bisa, wak pa ora mi kuminsá koba mama di un par di hende bosonan no rabia kumi. Awor aki bosonan tur ta drumi dushi na boso kas anto nos di Lagun ta pasando den e situashon aki.”



Kantidat di sushi tras di FUDECO

KRALENDIJK -- sofa ku den último simannan Kantidat di sushi, matras i a benta riba terenonan

patras di FUDECO i mas o ménos 100 meter di kasnan di famia na Rincon.

Tin bastante turista ku ta pasa tantu na pia komo ku outo den e hanchi di tera patras di FUDECO pa gosa di e bunita naturalesa i kunukunan di Rincon i di Boneiru.

Gruponan ta reuní i trein músika na FUDECO. E tiramentu di sushi ilegal ta sosodiendo nèt awor ku festividatnan di Dia di Rincon ta bai kuminsá.

Djammers pa kolmo a dùmpt mondongo i otro parti di kurpa di kabritu na e mesun sitio. Esaki ta falta di respèt pa bisiñanan, kultura i e isla i ta pone e besindario na peliger di malesa i ta destruí e bunitesa di un isla tan bunita.

Tin un Landfill na Rincon mes, pakiko no bai dos kilometer mas pa tira sushi. Habitantenan den bisindario ke pa e aktonan deplorabel akí stòp.



Islanan ta disparsé komo promé'

KRALENDIJK -- E habitantenan di Boneiru i Greenpeace a bai Korte na yanüari pa demandá Estado Hulandes. Nan ta kere ku Hulanda mester tuma medida mas lihé posibel kontra e efekto di kambio di klima na Boneiru, Saba i Sint Eustatius.

Caribbean Network, den un artíkulo skirbí pa Marit Severijnse, ta konosé e diferente habitante ku ta komprometé ku e demanda komo demandante. E biá akí ta Judmar Emerenciana i Jackie Bernabela.

Udmar Emerenciana ta artista, diseñadó gráfiko i taksista. Aunke e ta komprometí ku e demanda komo demandante, e no ta mira su mes komo un aktivista klimatológiko. “No nesesariamente. Komo Boneiru, mi ta kere ku ta importante pa usa mi bos pa papia tokante e situashon.”

Bringa ku un grupo di habitante pa e mesun propósito ta sinti bon, segun Emerenciana. “Di e forma akí bo ta siña hopi tambe kon kambio di klima ta afektá otro hende den nan bida diario. Mi ta un di esnan mas hóben, p'esei mi ta siña hopi di otro hende di tur manera.”

Demandante Jackie Bernabela ta yama su mes un aktivista di klima. “Mi ta un di e yunan di tera ku ta bringa pa e motibu akí. Hende ku ta protestá hopi biá ta keda yamá históriko. E echo ta históriko.”

Kalor i oumento nivel di laman

Tin orkan y kandela di mondi rònt mundu, Bernabela a bisa. Pero akí tambe nos ta nota e konsekuensianan di emishon CO2. Sí bo wak e kasnan di katibu di aserka, por ehèmpel bo por mira ku awa di laman ya a yega hopi leu na tera aya. E ta yega na fondo di e kasnan.

Emerenciana tambe a nota e subida di nivel di laman. “Bo por mira esei

na e kasnan di katibu, pero tambe na Sorobon. Promé ku Greenpeace a raportá, e no tabata sa kon malu e situashon tabata en realidat. Aunke naturalmente mi a sinti ku e klima tabata kambia.”

E temperatura no ta meskos ku promé, por ehèmpel. “Tempu mi tabata chikitu, nos tabata hunga futbòl pafó i mi tabata kana hopi bai skol tambe. Ta muchu kalor pa esei awor. Hopi hende di edat no por sali mas fásilmente, awor nan ta preferá sinta den aire kondishoná.”

Sigurá

Bernabela i Emerenciana ta hopi preokupá ku no tin un plan pa protehá e residentenan. Nos mester adaptá nos mes na kambio di klima mas lihé posibel, Bernabela ta bisa. Por ehèmpel, riba e tereno di seguridat, kanalidad, servisionan di emergensia, etc. Nos kamindanan apénas por enfrentá áwaseru.

Sí nos no risibí ayudo, e hendenan den e parti sur lo pèrdè nan kas, Emerenciana ta bisa. Nos ta pèrdè Sorobon tambe, unda nos windsurfistanan ta bin, bahia di Lac, unda un gran parti ya a inundá i e kasnan di katibu. Parti di nos historia.

Inisiativa na Boneiru mes

Segun e demandantenan, tin bon inisiativa na Boneiru, pero esei no ta sufisiente. Manera planta palu di mangel. Algu ku por ehèmpel tambe por retené awa, Emerenciana ta bisa. Pero esakinan ta kosnan chikitu. Nos ta spera ku Hulanda por yuda nos ainda mas.

Na Klein Bonaire i Parke Nashonal Washington-Slagbaai, por ehèmpel tambe ta planta mata, pero esei ta tuma hopi tempu, Bernabela ta bisa. Tin biá nos ta desesperá un tiki, pasobra diferente di

paisnan grandi nos no por hasi muchu tokante esaki.

Kumpli ku ekspektativa

Emerenciana i Bernabela ta spera ku e situashon lo bira konosí entre mas hende.

Di e forma akí nos por traha mihó huntu i haña solushon, Emerenciana ta bisa. Pa nos yunan i nietonan tambe tin un futuro akí.

No ta trata solamente di traha deik, pero tambe di

lanta konsiensia, Bernabela ta bisa. “E muchanan di futuro lo solamente enfrentá esaki i mi ta kere ku esei ta hopi malu. Mi ta spera ku Hulanda no ta laga nos na nos suerte.”



Konferensia tokante programa espasial Europeo

KRALENDIJK -- ‘EU Global Action on Space’ den e último dianan a skohe Boneiru pa un konferensia tokante di e oportunidatnan ku e programa espasial Europeo ta ofresé gobièrnu, kompania i organisashonnan, den e

área Karibense i Amérika Latino. E konferensia di dos dia a tuma lugá na Boneiru pa motibu ku na e momentunan akí ta traha riba konstrukshon di e stashon Galileo na Boneiru. Galileo ta e sistema di nabegashon di satélite no-militar di Union Europeo.

Ademas di determinashon di durashon di tempu i lokalidat, Galileo por ta disponibel pa otro servisio. Por ehèmpel, definí tempu eksakto, yudansa di emergensia, buska i haña i detekshon di sargassum i monitoreo di orkan.



Vota pa Boneiru den Condé Nast Traveler's Readers' Choice Awards

KRALENDIJK - E nos isla a haña nominashon kapital di Boneiru, tambe Condé Nast Traveler's Readers' Choice Awards den sinku kategoria. Sostené nos isla pa kategoria Siudat. Vários 2024 ta bèk i Boneiru, akomodashon na nos isla den e kategorianan Isla i tambe a keda nominá den e diferente akomodashon na Pais. Kralendijk, e bunita kategorianan Hotèl i Risòrt.



Programanan di Bonaire.tv

TELBO kanal 70
Flamingo TV kanal 23

Djasabra 6 April 2024

12.00 Herensia:	Ramon de Jongh
13.00 Aki Boneiru:	Raimunda Martis ahasi aña
14.00 Herensia:	Max Lloid Webster & Indelacio (Le) Coffie
15.00 BAPA:	David Mooman & Marina Melis
16.00 Herensia Korsou:	Carl(os) Smith
17.00 Aki Boneiru:	Musik Venezuela na Rincon nov 2016
19.00 Herensia:	Jako Janga
20.00 Dokumental:	Rincon Di Ayera Pa Awe
21.10 Aki Boneiru:	Bustu di 'Heilig Hart van Jesus'
22.00 Herensia:	Julia Jacintha Dorothea-Eusenien
23.00 BAPA:	Santiago Malagon

Djadumingu 7 April 2024

12.00 Herensia:	Broertje Janga (su bida)
13.00 Dokumental:	Den Tera Pa Antriol
14.00 Herensia:	Francelina Winklaar
15.30 Puerto Latino:	Luis Zárraga
16.00 Herensia:	Ramon de Jongh
17.00 Aki Boneiru:	Raimunda Martis ahasi aña
18.00 Herensia:	Max Lloid Webster & Indelacio (Le) Coffie
19.00 BAPA:	David Mooman & Marina Melis
20.00 Herensia Korsou:	Carl(os) Smith
21.00 Aki Boneiru:	Musik Venezuela na Rincon nov 2016
23.00 Herensia:	Jako Janga



Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Kategoria Hotèl:
-Harbour Village Beach Club
Kategoria Risòrt:
-Captain Don's Habitat
-Divi Flamingo Beach Resort & Casino
-Piet Boon
-Plaza Resort Bonaire
E lenk pa bo por vota ta: www.cntraveler.com/vote. Nos ta enkurashá bo pa kompartí e lenk akí ku tur hende ku por sostené bo (bo personal, bo partnernan na nos isla, bo famia i bo amigunan) i riba bo páginanan sosial. Pa motibu ku ta trata akí di premio di Readers' Choice, tur kos ta drai rònt di e kantidat di voto.
Votashon ta terminá dia 30 di yüni 2024. Nan ta publiká e resultadonan den e edishon anual di Readers' Choice Awards di Condé Nast Traveler na luna di novèmber i online riba www.cntraveler.com.

BO TIN MESTER DI KURASHI?

No ta Ami a ordenábo? Sea fuerte i tene kurashi! No tembla ni desmayá, pasobra SEÑOR bo Dios ta ku bo unda ku bo bai.”
Josue 1:9(BS)

Esaki ta palabranan di enkurashamentu ku Señor Dios a bisa Josue na momento ku Moises a muri i Josue mester a bira e lider ku lo guia e pueblo di Israel pa bai drenta e tera primintí. Nada fásil, i ta lógiko ku Josue tabatin miedu, pasobra e pueblo di Israel tabata un multitud asina grandi, ku karakter masha difísil. Josue a mira Dios yuda Moises bes tras bes i el a mira Dios hasi milagernan grandi, ma tòg esaki tabata un tarea grandi pa Josue.

Asina Señor a priminti'è i sigur'è diferente biaha, ku E lo ta kuné unda ku e bai. Ounke e situashon tabata masha difísil pa Josue guia un pueblo asina grandi, pa bai i drenta e tera primintí, sin sa kiko ta tur e problemanan ku nan lo enkontrá, Dios a duna Josue e siguridat ku E lo ta ku nan. I Señor a kumpli tambe! Señor Dios a yuda i guia Josue pa asina e por a dirigí e pueblo di Israel pa nan drenta e tera ku Señor a primintí nan.

Awor pa abo mes; Kiko t'e kos awe ku bo tin miedu di dje? Pa kua situashon bo no tin kurashi pa aserká, papia i drecha? Mi ke animá bo pa tene kurashi i no keda sinta warda sin dal stap, pasobra Señor lo ta ku bo, basta bo konfi'É pa yuda bo.

No desmayá, tuma kurashi i dal stapnan di fe.

Dayanara Mercera
Produkshon PGM

Aspirantenan di Kmar ta finalisá promé fase di estudio

KRALENDIJK -- Riba djaweps 4 di april e 15 aspirantenan di Koninklijke Marechaussee a finalisá e promé fase di nan estudio, kual ta un bivak. E bivak a ranka sali riba djamars 2 di april, primeramente ku un tarea klasikal, despues di kua nan a risibí e material nesario pa por pasa dor di e bivak.

Despues di esaki nan a sali rumbo pa e sitio di bivak kaminda na a prepará na kampamentu, a kushina huntu i anochi a será konosí ku otro i maneho di Koninklijke Marechaussee na Boneiru.

Riba djárasan 3 di april

nan a hasi un tarea enfoká riba traha huntu na Sorobon, kaminda a traha dos grupo pa nan traha un vlòt ku kua nan mester a subi laman. Nan sera e anochi riba Seru Largu ku un 'exercitie training' i un 'speedmars'. Riba e último dia, djaweps 4 di april, nan a hasi trabou voluntario na Fundashon pa Kuido di Personanan Desabilitá (FKPD).

Den oranan lat di atardi nan a mars for di direkshon sùit rumbo pa warda di polis, unda Koninklijke Marechaussee tambe ta aloká, kaminda famianan a risibí nan kalurosamente.

Aki un seremonia a

tuma lugá durante kua e coachnan di e organisashon Velitt, ku a guiá e bivak, a entregá e aspirantenan bèk na e maneho di Koninklijke Marechaussee. Despues di esaki tur presente por a kombersá den un ambiente ameno ku algu di kome i bebe, tokante e eksperensianan spesial.

Djabièrnè 5 di april e 15 aspirantenan ta sali pa Hulanda pa 3 luna pa sigui e siguiente parti di e estudio na Kazerna Koning Willem III na Apeldoorn. Di e 15 aspirante, 3 ta prosedente di Sint Eustatius, 1 di Saba i 11 di Boneiru.



Seshon konhunto di informashon pa partner

TCB a organisá promé 'Bonaire Tourism Update' pa 2024

KRALENDIJK -- Tourism Corporation Bonaire (TCB), huntu ku Bonaire International Airport (BIA) i Bonaire Hotel and Tourism Association (BONHATA), dia 3 di aprel a organisá e promé 'Bonaire Tourism Update' pa aña 2024, na Captain Don's Habitat.

Veroesjka de Windt, direktor di BONHATA, ta mèldu ku e grado di okupashon den e promé kuartal di 2024 ku 74% a keda igual ku aña 2023. Luna di yanüari su komienso a bai pokopoko, luna di febrüari a keda meskos, miéntras ku luna di mart a mostra un subida



di 4%. Pa e di dos kuartal ta spera un oumento di 11% pa loke ta trata e grado di okupashon. Kompará ku aña 2023 e tarifa promedio di dia, ADR, a baha ku 7%, di 239 dòler na aña 2023 pa 223 dòler na aña 2024. Esaki ta konsekuensia di introdukshon di mas kamper nobo na e isla sin suficiente kapasidat

di buelo. Debí na esaki a baha preis pa por a yena e kambenan. Pa e di dos kuartal ta spera un bahada di 12%, di 201 dòler na aña 2023 pa 177 dòler na aña 2024. Konsekuentemente tabatin un bahada di e RevPar, e entrada pa kada kamper disponibel, di 6% den e promé kuartal di aña 2024, di 180 dòler na aña 2023 pa 170 dòler na aña 2024. E pronóstiko pa e di dos kuartal un biá mas ta mostra un bahada di 9%, di 112 dòler na aña 2023 pa 102 dòler na aña 2024.

Maarten van der Scheer, direktor di BIA, a konstatá un oumento remarkabel di e kantidat di buelo i pasahero for di Nort Amérika: "Nos esfuersonan konhunto pa atraé mas tráfiiko aéreo for di Nort Amérika a duna hopi bon resultado. Asta den un ambiente sumamente kompetitivo, nos a logra oumentá e kantidatnan akí den liña ku e plan stratégiko pa turismo. Den e promé kuartal, e kantidat total di pasahero na Aeropuerto Flamingo a subi ku 6,8%, kompará ku e mesun periodo na aña 2023. E kantidat di pasahero internashonal a subi ku 7,8%, miéntras ku e kantidat di pasahero entre e islanan, a oumentá ku 4,3%. Resientementemente nos a selebrá inougurashon di un kapa nobo pa tapa solo i áwaseru na momentu di yegada, un proyekto pa mehorá eksperensia di pasahero. E aña akí nos plan ta pa ehekutá diferente proyekto di mehorashon, entre otro konstrukshon di un parke solar, realisashon

di un sistema nobo di iluminashon na aeropuerto i instalashon di rutan nobo di siguridat."

Miles Mercera, direktor di TCB, a kompartí e resultadonan preliminar for di kua a resultá ku na luna di mart 2024 Boneiru a yama bon biní na 18.269 bishitante di estadia. Ta atribuí resultado di e promé kuartal na ampliashon di e servisionan di diferente kompania di aviashon prosedente for di Merka i e oferta ékstra di asiento di kompanianan di aviashon entre e islanan.

Durante e promé kuartal di aña 2024, TCB a partisipá aktivamente na vários evento, entre otro Vakantie Expo, ITB, DuikVaker, Travel & Adventure Show NY i Toronto Outdoor Adventure Show. TCB tabatin diferente kampaña tambe ku partnernan manera KLM, United Airlines, ReisPro i PSV, djis pa menshoná un par.

A duna tambe un bista general kòrtiku di e eventonan ku ta na kaminda, manera SeaTrade, Travel Counsellors i CHTA Marketplace. Finalmente a duna tambe un bista general di e próksimo biahenan di prensa i posibilidatnan di relashonnan públiko pa e merkadonan Nort Amerikano i Europeo.

Gustosamente TCB ke manda un palabra spesial di gradisimentu pa Captain Don's Habitat pa a spònsor e sala di reunion i pa Chogogo Beach & Dive Resort i Biña Restaurant, pa a organisá e evento 'Tourism After 5'.



BACK IN STOCK

OPTENIBEL NA

- OFISINA DI EXTRA
- VAN DEN TWEEL SUPERMARKET
- DELMAR

FUHIKUBO
FUNDASHON HISTÓRIKO
KULTURAL BONERIANO
Yabi di pasado, porta pa futuro



PÁGINA SOCIAL

Tres piskadó a topa

KRALENDIJK- Tres piskadó a topa. Un di Rincon, un di Playa Pabou i di Nort'i Saliña. Nan a sinta i kompartí storianan interesante ku otro.



Misa na kapia di Hesus Miserikòrdioso

KRALENDIJK- Pastor Ranulfo i komishon ta mayan djadumingu anochi ta tuma lugá na kapia di Hesus Miserikòrdioso na ta anunsiá komunidat Nikiboko. Ta spera tur lo siguiente. E misa di hende na e kapia aki.



Traha promé, kome despues

KRALENDIJK- Despues di kaba pone man na obra e hòmbènan aki, meresidamente a disfrutá di un bon tayó di kuminda. Ta trata aki di 3 boneriano ku a kaba di yuda nan próhimo boluntariamente.



Yuda nos tene nos playanan limpi



www.extraboneiru.com



Festival Kanto Krioyo Hubenil 2024

Kantante	Kompositor	Agrupashon	Komposishon
Harshelly Meilan	Rafael "Raf" Meilan	Foyan Boys	Rincon ta gradis bo
Dange Ot Jago	Salomon Anthony	Foyan Boys	Mensaje pa mi brodu nan
Shantely Meilan	Luiginio "Luis Moka" Molina	Grupo Indjan	Ban kome repa
Yarleny Reyes Sanchez	Rafael "Raf" Meilan	JC and Friends	Rincon tin su historia
Raisa Wilson	Juan "Hochi" Coffie & Chendell Beaumont	JC and Friends	E kstara di Mechi
Maycy Trinidad	Guillermo "Momo" Janga / Goevin Bernabela	JOM Krioyo	Dia di Rincon mi ta bai
Daveon Ottenhof	Dayron Coffie	JOM Krioyo	Mi tin gani siña
Julandrick Janga	Ruvieri Rodriguez	JOM Krioyo	Chikito kumukero
Julendra Janga	Jane "Camila" Balentien	JOM Krioyo	Muchanan ban kana
Ruandro Thielman	Ronald Trinidad	Kunuku Boys	Sopi yuana
Gardley Sint Jago	Wesley "Wewe" Sint Jago	Tutti frutti	Awor un be



Festival Kanto Krioyo 2024
Djasabra 6 April 2024

Agrupashon	Kantante	Kompositor	Komposishon
Foyan Boys	Edson Frans Johnny Vlijt Sigmaira Mercera Gefely Vlijt Suradno Mercera	Chendell Beaumont Johnny Vlijt Salomon Anthony Rubertico Balentien Rubertico Balentien	Rondó di heru Bashá Rincon nos pret'i wowo Pal'i Muhe Tene pa nos ban Real ku Vespo
Palu Grandi	Luiginio "Luis Moka" Molina	Luiginio "Luis Moka" Molina	Angua, veneta, hilu, bòl
Ritmiko Timon	Cliftenjohn Martines Danisha Martijn	Jonathan de Wind / Kayla Ursula Julendro Leito / Jonathan De Wind	Honor na Shon Cain Rincon di kurason
Grupo Kariño	Dayron Coffie	Hyrick Clarendá	Deseo di un hoben Rinkonero
JC and Friends	Jonathan Clarendá Jurnick Clarendá	Jonathan Clarendá Rubertico "Benoni" Balentien	Kalbas bo ta bas Dushi brasá den simadan
FMK	Rayshantaly Coffie Swenthely Mercera	Rubertico "Benoni" Balentien Rubertico "Benoni" Balentien	Lasa, hak trese aden Wapa lomba ku lomba
Tutti Frutti	Wesley "Wewe" Sint Jago Emma Sint Jago Mikael "Mika" Janga Jurien Ascencion	Wesley "Wewe" Sint Jago Robert Swinkels / Wesley "Wewe" Sintjago Wesley "Wewe" Sint. Jago / Dayron Coffie Jurien Ascencion	E labizjan, ku tur honor mi ta karge Un invitashon di kurason Mi ta broma ku ne Ey mi ta bai
ESO	Francis "Sisi" Janga	Francis Janga	Mi sombre





Pa' Bòi' Antoin



Kasi tur kaminata riba su mes ta interesante. Pa mi tambe. Mi ta topa ku kosnan nobo ku mi no a mira den kaminatanan anterior riba mésun ruta. Fasinante. Manera e echo ku tin zonido ta sali ora bo

pone bo ore a na sea palu di sia blanku òf kòrá. Imka, un di nos kanadónan fiel ku hopi entusiasmo a siña nos esaki. Mi a yega di tende ku e kos aki ta eksistí, pero nunca mi no a komprobá. Awor sí mi a eksperensié.

Masoménos dos siman pasá nos a kana di Lagun a lo largu di kosta direkshon di e torno di Spelonk. Ta un kaminata ku mi a hasi na hopi okashon. Pero atrobe tabatin kos interesante. Por ehèmpel nos a topa ku un rancho di piskadó ku nunca anterior mi no a mira. Un òf otro piskadó di baranka a traha e rancho aki. E pilánan ta asta trahá di sèment. Sobránan di panchi ku wea ta indiká ku tabatin moveshon den i alrededor di e rancho aki, pero awor e ta kompletamente bandoná. Pa un òf motibu esnan ku a traha e rancho no ta frekuent'è mas.

Nos a kana bai e rancho i a topa un pikòp i tres hende ku tabata piska na baranka.

Laman tabata basta brutu, pero tòg e famoso bientunan di kuaresma no tabata asina fuerte. Bo kurpa ta kue rel na momentu ku bo topa ku e hendenan aki pará asina peligroso riba rant di baranka. Mi a para djaleu opservá nan i hasi algun pregunta. Un di nan a splika mi promé nan ta garna i purba kue moulou pa asina tin as bibu. Nan ta pone e moulonan aki den burakunan chikitu ku awa di laman ku a keda tras riba kosta. Asina ta tene e moulonan bibu. Nan ta kue

basta piská grandi, manera gristèlchi di laman afó, pikuditu i tambe e piskánan ku ta kai for di e famia di grouper.

Nos a saka foto, pero mi a pura pa bai for di e sitio aki mas lihé posibel, mirando kon peligroso e situashon tabata musta. Miedu pa un ola no bai ku un dje hendenan aki dilanti nos bista. Kisas un temor i miedu inesesario, pasobra ta opvio ku e hendenan aki sa kiko nan ta hasi. E ta siña nos sí kuantu kos un





piskadó ta pasa aden pa por kue piská. Si nan pidi hopi sèn pa piská, pag'é. Nan ta riska nan bida, ademas soportá solo kayente riba nan kurpa.

Tin basta moveshon tòg den e área entre Lagun i Spelonk. Tin hende riba baïskel i despues hende riba bròmer a pasa nos na kaminda. Na e torno i e kas

di wardadó di torno nos a planea pa sosegá. Pariba di e kas tabatin un lamchi blanku den agonia di morto. E tabata kompletamente bandoná i kasi no por a kana na drechi. Nos a disidí di sali na su yudansa. Joselito a demonstrá ku e ta Krus Kòrá pa tantu hende komo bestia. A duna e lamchi awa i el a bin bei pokopoko.

Tabata opvio, mirando su kondishon, ku lo el a muri si nos no a reskat'é. Kisas su mama a rechasá i bandon'é, loke sa pasa hopi. Pero tambe e mamanan di kabritu sa bai laga nan yunan pa basta ratu i bini bèk. Pero e situashon aki tabata otro. E pober animal tabata kasi muri. Riba mi konseho nos a disidí di bai kuné. Si kualké hende ke reklamá, nan mester tuma

kontakto ku mi. Mi a lanta na kunuku i por husga e situashonnan aki. Si nos no a bai kuné e lo a muri. Nos sa topa ku mas lamchi morto riba kosta. I den e kaso aki dos warawara ya kaba tabata sirkulá riba dje.

Imka a enkargá su mes ku futuro di e lamchi, ku na e sitio ei mes nos a batisá ku e nòmber di Chantiwawa. Imka a kumpra lechi (di kaba) pa dun'é i a sigui tene nos na altura di e situashon di Chantiwawa. Entre otro e echo ku mésun atardi su yunan a bai wak futbòl ku Chantiwawa. Tambe el a splika nos kon Chantiwawa ta pishi i pupu tur kaminda den kas. I ku Chantiwawa a sera amistad ku nan dos pushinan.



Tene nos playanan limpi



èxtra
...number 1

www.extraboneiru.com

Investigadónan ta skucha refnan di koral anochi

KRALENDIJK

-- Kosnan no a bai bon ku e refnan di koral pa dékadan. P'esei ekspertonan ta purba di restorá koral den tur sorto di forma. Monitoreo ta importante pa esaki. Sí bo no sa unda kos ta bai robes, bo no por hasi nada tampoko. Asina investigadónan ta skucha entre otro e zonido di e refnan. E ta parse di ta variá na un manera maravioso.

Eoumento di temperatura di laman i e asidifikashon di e oséanonan, a kousa ku ta kalkulá ku e kantidat di koral a baha na mitar entre 1950 i 2021. Pa por rekuperá e koral, ta útil pa sa eksaktamente unda e ta disparsé. Pa hasi esaki, ta traha hopi ku buseadó, ku ta tuma muestra di e refnan. Pero esei en realidat ta duna un imágen insufisientemente bon, pasobra esaki ta sosodé solamente den un kantidat limitá di lugá. Ademas, esaki no por keda hasi anochi, miéntras ku e refnan ta mas aktivo.

Miles di zonido pa minüt

E monitoreo di zonido ta hopi mas simpel i por tuma lugá anochi. En general, mas fuerte e zonido di piská i otro animalnan marino ta, mas saludabel e ref lo ta. Un solo sensor di zonido por kapta sentenâres di zonido di piská i asta miles di zonido di otro animalnan



pa minüt.

Esaki ta krea un imágen kla di aktividat riba e ref i kambionan den e poblashonnan di animal i nan komportashon por nota na un etapa tempran. E paisahe sonoro di e refnan di koral tambe por aktua komo un faro pa e piskánan di awa profundo i e larvanan di krustasea, ku ta sinti nan atraktivo. Por ehèmpel, e trabou di restorashon di resien a yuda pa e reprodukshon artifisial di zonidonan saludabel di rifá.

Influensia lus di luna

Pero pa hasi un uso optimal di e zonidonan akí, ta importante pa e investigadónan sa eksaktamente kon nan ta funshoná i ki ora por ehèmpel e zonido ta zona

mas fuerte òf mas suave. Algu ku awor nan a deskubrí despues di midimentunan di zonido di e refnan di koral serka di Hawaii, ta ku kambionan den lus di luna tin un impakto riba volúmen.

E zonido di frekuensia haltu di piská ta oumentá ora luna ta bria, miéntras ku e zonido di frekuensia abou di otro animalnan marino, al kontrario ta baha ku lus di luna. E diferensia den zonido entre e momento ku luna ta sali i ta pone, probablemente ta un reashon na un kantidat kambia di lus i no por ehèmpel na fluktuashonnan di marea, ya ku e fluho i refleho no ta sinkronisá ku salida i ponementu di luna den e region akí.

Hopi investigashon riba lus di solo

E probabilidad ta ku piskánan i otro animalnan marino ta respondé na kambionan den lus kousá pa salida i ponementu di luna, e outor prinsipal Daniel Duane, a bisa Scientias.nl. Ya tin hopi investigashon ku ta mostra ku e animalnan akí ta reashoná na amaneser i atardi. Awor a deskubrí ku nan tambe ta reashoná riba diferensianan mas sutil den lus, manera esnan ku ta kousá pa luna.

otroan, al kontrario tabatin mas stèm ora luna a bai. Ora bo studia e zonidonan akí separadamente, bo por isolá e kontribushon di diferente komunidad. Por ehèmpel, kriaturanan marino tabata hasi mas zonido ora luna no tabata bria. Sí e kantidat di zonido den ousensia di luna baha den e próksimo sinku añanan, esei por ta un indikashon ku e poblashon di animal marino tambe ta baha,” Duane a bisa.


Awor tur kos ta parse hopi opvio pa skucha e koral di e manera akí, pero e investigadó a keda sorprendí pa e resultatonan. “Mi a keda sorprendí kon ekstremo e reashon na lus di luna ta. Den hopi kaso, nos a mira kambionan den zonido den e dies minütan despues di salida di luna, òf ora nos a someté nan.”

Mas aktivo anochi

I e tipo di informashon ei ta útil pa por restorá e koral. Opservá e salú di e rifanan di koral ta importante pa nan rekuperashon, pasobra e ta permití nos identifiká kua ref mester di atenshon i mantenshon spesifikamente. Monitoreo di zonido ta un método efisiente pa monitòr e salú di komunidadnan di ref di koral. Mayoria di animalnan di ref ta mas aktivo anochi i despues ta demasiado skur pa kámaranan òf buseadónan, pa kual e datonan akústiko ta hopi útil.

Estado di piská

Esei ta un deskubrimentu útil. “Nos a haña ku algun komunidad di ref di koral tabata hasi mas stèm ora luna tabata bria, miéntras





NILO Trankilo

Awe NiloTrankilo ta bai kontu bo di algu resien ku a pasa kuné ku su bateria di pikòp. Bateria ta kuestion di suerte, manera nan ta bisa. Tin ta bai bo largu i otro den korto tempu ya ta pasa pa historia.

NiloTrankilo te ku un par di siman pasá tabatin un bateria ku a kumpli i sirbi kabalmente años pa NiloTrankilo. El a sirbi NiloTrankilo "a la mil maravilla". Pero djaluña dia 4 di mart ei sí el a bisa ku ta basta i a hala su último rosea i a pasa pa historia. Ni chens Nilo no a haña pa yama un òf otro pastor pa dun'é santolio.

Promé ku e bateria a muri sinembargo el a pone NiloTrankilo riba trabou sí. Shon Bateria a kuminsá pa pone NiloTrankilo i primu Buli pusha e pikòp pa por a start esaki.

Despues ku e pikòp a start, el a saka NiloTrankilo riba kareda e mardugá ei pa bai kore su uútimo kareda largu kuné, pa wak ku por a rebib'é. A lo ménos esei NiloTrankilo tabata pensa, pero e bateria a duna su señal kaba ku ta bai e ta bai. Ta kapta NiloTrankilo no a kapt'é, sino te awor ku el a muri mes mes. Morto morto!

NiloTrankilo den ora di mardugá ei a bai kore lora te den barío di Rincon i djei bai te Saliña, koriendo wak ku e bateria por a karga i reanimá. Lugá ta su último rosea e bateria

tabata halando, pasobra ora mi ta koriendo ei, mi tabata algun imágen pretu tabata bin patras di e pikòp manera den e pelikula 'Ghost' ora ku e hòmber a muri I nan a bin busk'é bai kuné. Awel sí. La Muerte òf Pietje De Dood.

Despues di tur e kareda ei, ku a dura sigur mas ku un ora, momentu ku NiloTrankilo a yega kas i paga e pikòp, a ni pita e pikòp no tabata kier a pita mas pa por a yama e bateria ayo pa semper, pa asina dun'é un despedida digno i bunita pa su doño.

E bateria, te asta ora el a muri, tabata den shelu òf fièrnu, a sigui pone NiloTrankilo riba trabou, esta promé pa bai buska un kargadó di bateria pa wak ku por a karg'é.

Pa oranan largu e bateria a sigui den e proseso di reanimashon, konsumiendo korieño di NiloTrankilo, purbando pa e karga. Na final tòg e bateria no a karga. Ora un kos a murí, ta murí el a murí i no tin kuenta di rebibá mas. Ta Kristu so por a lanta Lázaro fo'i morto. NiloTrankilo a komprondé?! Awel sí. Abo lesadó tambe tuma esaki komo un lès pa bo eksperensia di bida.

Pasando den tur e kosnan aki, el a trese NiloTrankilo riba e idea pa bai skibi un poema ku e título 'Mi bateria'. Ata NiloTrankilo ta bai bira un poeta atrobe. Ta parse ku NiloTrankilo a gusta e idea pa ta un

poeta ei. Sa nèk om!

E poema ta bisa asin'ki:

'MI BATERIA'
*Bateria, ai mi bateria,
ta manera awe bo no tin
energía.*

*Den kuminsamentu bo
tabata hopi potente,
i tambe hopi feerte i
balente.*

*Na kualke ambiente ku
famianan presente,
abo tabata sòru pa
músika i korieño.*

*Ta kiko a pasa bo anto,
ku awe bo no ta start mi
outo?*

*Ta kansa bo a kansa,
ya ku bo tin mi aki tur
na ansha.*

*Mi no por kore bai hasi
bishita,
pasobra a ni pita e outo
no ke pita.*

*Mi no por bai na mi
amigu Toka,
pasobra ta parse ku bo*

a rònka.

*Bateria bo no tin ni un
tiki energia,
Pa por pone e outo start
i e lusnan bría.*

*Ai Maria, ai Maria,
ai yuda mi pover
bateria.*

*A ni e pitu di e outo no
kier zona,
i ta parse ku bèrdat b'a
bai lona.*

*Despues di asina tantu
año,
bateria bo a bin laga mi
na kaya.*

*Pero mi ta komprondé,
ku bo no por keda
semper sendé,
I ku ta e ora di bai,
a yega awe pa bo laga
kai.*

*Danki danki pa tur kos,
sin muchu kos.*

*Ayó mi bon bateria,
awe sí bo a laga mi na
pia.*

*Bateria, n'keda mi nada
otro, Di bai kumpra un*

otro.


(Skibí pa:
NiloTrankilo - 7-3-24)

Asina NiloTrankilo a dediká un poema póstumo na su bateria ku a yud'é pa hopi año.

Awóraki NiloTrankilo ta bai wak ku si e por haña un forlestu pa por bai dera su bateria.

Awor sí a kaba, NiloTrankilo aki kier dera tur kos tambe. Asta su bateria. Den e kaso aki, karg'é hib'é na su último lugá di sosiegu. Lo mi pone un anunsio den BONERIANO i pone aden ku lo ta risibí bishita di kondolensia na kas.

NiloTrankilo aki sa hañ'é den kos tambe. E biaha aki tabata e ku su bateria ku a fría.



Bai Boneiru bèk:

Izaïn Mercera no ke laga kultura riku riba e isla bai pèrdí

KRALENDIJK

-- Den e rúbrika nobo di Bonaire.nu, ta sigui personanan Boneriano ku a lanta na Boneiru, a traha òf studia den eksterior, pero despues ta regresá atrobe. Den e di kuater edishon ta papia ku Izaïn Mercera, kende ta traha na Mangazina di Rei i ku no kier a laga e kultura riku ku Boneiru bai pèrdí.

Mangazina di Rei ta un parke kultural situá den Rincon. Den siglo djesnuebe, Gobièrnu Hulandes tabata uza e edifisio akí pa warda kuminda pa e katibunan di gobièrnu. E tabatin un ròl importante tambe den e área ku e tempu ei, nan tabata yama e hardinnan sentral parti ost.

Izaïn Mercera ta laborando aki komo kordinadó eksperensiá. E tin deseo pa e kultura bibu ku e isla tin no bai pèrdí. Promé ku el a kuminsá traha na Mangazina di Rei, el a kue eksperensia na Hulanda.

Komo deportista



Den su hubentut, Mercera tabata biba na Boneiru. “Te aña 2000 mi tabata biba na Boneiru. Aki mi a lanta. Mi dianan tabata yená ku skol, deporte i wega. Mi tabata gusta hunga futbòl, beisbòl i tambe un bon wega di dominó. Pero manera bida ta bai, destino a hibá mi lugánan nobo.”

Asina Mercera a disidí pa bai Hulanda un temporada: “Na aña 2000 mi a bandoná Boneiru i a kuminsá un etapa nobo

den mi bida na Hulanda. Eina mi a sigui studia i a optené tantu mi diploma MBO komo HBO. Pero banda di konosementu akadémiko, mi a siña spesialmente lèsnan balioso di bida. Den eksterior mi a desaroyá un grado haltu di outonomia, responsabilidad i independensia.”

Kontra tempu

Añanan largu Mercera a biba i studia na Hulanda. Sinembargo el a disidí pa bin Boneiru bèk: “Apesar

di e eksperensianan nobo, mi tabata sinti falta di Boneiru. E solo, e laman, e naturalesa bírgen i naturalmente mi amigu i famianan tabata tur ora den mi mente. Mi a regresá e isla diferente biá. Tin biá pa kasonan tristu, manera entiero di mi tata na 2002. Pero tin biá tambe pa metanan profeshonal, manera mi stazje pa MBO na 2004 i mas despues mi stazje pa HBO na 2008. Kada biá mi a mira kambionan riba e isla. Negoshinan tabata evolushoná, influensianan kultural nobo tabata drenta i e komunidad tabata transformá gradualmente.”

Mercera a disidí pa bolbe bèk. El a haña un bunita oferta na e parke kultural Mangazina di Rei komo kordinadó eksperensiá. “Awor akí mi ta trahando enbèrdat komo kordinadó

eksperensiá na Parke kultural Mangazina di Rei. Mi meta ta pa konservá i apresia e kultura riku di Boneiru, di manera ku e no ta bai pèrdí den futuro.”

Boneiru por siña

Den e edishonnan anterior di Bai Boneiru bèk, ta siña lès for di eksperensianan di eksterior. Mercera tambe a atkerí eksperensia. Eksperensianan ku podisé por hiba e isla dilanti. E ta di opinion ku e isla por siña ainda di sierto desaroyonan den otro paisnan: “Mi ta haña ku Boneiru mester traha mihó huntu ku pais i islanan den besindario. Mirando bèk riba mi biahe, mi ta kere ku Boneiru por siña hopi di adelanto tékniko i koperashon internashonal ku mi a eksperensiá den eksterior.”



èxtra
...number 1

www.extraboneiru.com

MONCHI & TONCHI

Awor no ta polis ta tap, sino griffier ta wak tur bo selashi. Esta mafioso

Awèl sí, e griffier aki a bira “El Padrino” di Boneiru



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

Tempu Paskual

Outor: Teresa Fernández

Djadumingu di Resurekshon òf di Pasku ta e fiesta mas importante pa tur katóliko, ya ku Resurekshon di Hesus ta ora ta haña sentido henter nos religion.

Kristu a triunfá riba morto i ku esaki El a abri pa e portanan di Shelu. Den e Misa dominikal nos ta rekordá di un manera es-pesial e gran alegría akí. Ta sende

Dios pa semper.

San Pablo ta bisa nos: “‘Anto si Kristu no a lanta for di morto, tantu loke nos ta prediká komo boso fe ta sin sentido. ‘1 Korintionan 15:14

Si Hesus lo no a resusitá, su palabranan lo a keda den aire, su promesanan lo a keda sin



Nos mester ta berdadera-mente alegre dor di e Resurekshon di Hesuskristu, nos Señor. Den e tempu di Pasku ki ku ta kuminsá, nos mester probéchá di tur e gra-sianan ku ta Dios nos duna pa krese den nos fe i ser mihó kristiannan. Laga nos

biba e tempu ku profundidat.

Ku Djadumingu di Resurekshon ta kuminsá un Tempu Paskual, den kua nos ta reko-rdá e tempu ku Hesus a per-manesé ku e apóstolnan promé di a subi na shelu, du-rante e fiesta di Asenshon.

Fiesta di Pasku di Resurekshon, ku, ku un solo dia no ta alkansá nos pa festehá. Ta pe-sei Iglesia a fiha una oktavo di Pasku (ocho dianan) pa kon-templá Resurekshon i un Tem-pu Paskual (sinkuenta dia) pa sigui festehando Resurekshon di Señor.



e Bela di Pasku ku ta representá e lus di Kristu resusitá i ku lo permanesé sende te dia di Pentekòster.

Resurekshon di Hesus ta un hecho históriko, di kua prueba-nan entre otro, a e graf bashí i numeroso aparishon di Hesuskris-tu na su apóstolnan.

Ora nos ta selebrá Resurekshon di Kristu, nos ta selebrando tam-be nos propio liberashon. Nos ta selebrá e derota di pika i di morto.

Den resurekshon nos ta haña e klave di e speransa kristian: si Hesus ta bibu i ta huntu ku nos, di kiko nos tin miedu?, pa kiko nos ta preokupá?

Kualkier sufrimentu atkirí senti-do ku Resurekshon, pues nos ta sigur di ku, despues di un bida kòrtiku riba tera, si nos tabata fiel, nos lo yega na un bida nobo i eterno, den dje nos lo gosa di

kumpli i nois lo a duda lo taba-ta realmente Dios.

Pero, komo Hesus sí a resus-itá, e ora ei nos sa ku El a vense morto i piká; nos sa ku Hesus ta Dios, nos sa ku nos tambe lo resusitá, nos sa ku El a gana pa nos e bida eter-no di e manera aki, henter nos bida ta haña sentido.

Resurekshon ta fuente di pro-fundo alegría. Saliendo di dje, nos kristian no por biba mas ku karanan tristu. Nos lo mester tin karanan di esnan resusitá, demostrá mundu nos alegría pasobra Hesus a vense morto.

Resurekshon ta e lus pa hen-denán i kada kristian mester irradiar e mesun lus na tur hende hasiendo nan partisipe di e alegría di e Resurekshon pa medio di su palabranan, su testimonio i su trabou apos-tólíko.

	Plain	Batata/ tostones/ Salada
Hotdog	FL. 5,00	
Galiña hinté	FL. 23,00	FL. 30,00
Mitar galiña	FL. 13,00	FL. 20,00
1/4 Galiña	FL. 6,50	FL. 13,00
Whole Legs	FL. 5,50	FL. 12,00
1 Ala	FL. 2,50	FL. 9,50
2 Ala		FL. 12,00
Saté	FL. 3,00	FL. 10,00

	12 Oz	16 Oz
Baki Fruta	FL. 10,00	
Baki bèrdura	FL. 10,00	
Shake Fruta	FL. 7,00	FL. 10,00
Shake Proteina	FL. 10,00	FL. 13,00

Skibí pa: Rutzen Lucas



notisiakatoliko@gmail.com

Hasi bo pedido 30 minüt treman
Yama: 5102770 / 8697733 of App: 5208544

STATIA/SABA/ST. MAARTEN

Demanda pa espasio hustu Philipsburg Market

PHILIPSBURG -- E 66 doñonan di pèmit di benta na Philipsburg Market adenunsiá e último plannan pa e merkado nobo i a deklará ku nan no lo koperá retirando nan tèt i merkansia pa e inaugurashon ainda pa anunsiá. Segun e bosero, e bendedó di marshe, Ingrid Grell, e bendedónan ta spera ku e gobièrnu nobo lo avansá den e proyekto.

Grell a bisa, ta hopi desapuntá ku e minister saliente di turismo, asuntunan ekonómiko, transporte i telekomunikashon, Arthur Lambriex. Segun e revelashonnan di Lambriex den Parlamento djáron, el a sanshoná un diseño diferente pa e marshe nobo ku esun presentá na e proveedornan pa aprobashon pa su predesesor, Omar Ottley.

Lambriex a informá e miembronan di Parlamento djáron ku e bendedónan di marshe supuestamente a duna nan konsentimentu na e plannan pa e marshe. E marshe nobo, el a bisa, lo tin kapasidat pa 55 bendedó i lo inklui puesto ku lo midi 9 pia pa 9 pia, aproksimadamente 7.5 meter kuadrá, kada un.

Grell, kende tabata okupá un asiento den e tribuna públiko di Parlamento, a tende atentamente e kontesta di e minister riba e preguntanan planteá pa e parlamentarionan di Partido Demokrat, Sarah Wescot-Williams i Grisha Heyliger-Marten.

E k s p r e s a n d o inkredulidat, Grell a komentá despues na The Daily Herald: “Mi

no por a kere loke mi a tende. E minister a redusí e tamaño di nos marshe, lagando kada un di nos ku un puesto di tamaño di un kouchi di galiña.”

Grell a enfatisá ku no a konsultá e proveedornan tokante e diseño nobo. “Sí algun di e bendedónan a keda kontaktá pa Minister Lambriex òf un miembro di su personal, sigur nan lo a informá mi, manera nan a indiká mi pa asistí Parlamento djáron pa skucha loke e minister mester a bisa,” el a bisa.

The Daily Herald a komprondé for di e proveedornan di marshe ku Lambriex no a komprometé ku nan den ningun manera desde ku e komishon di turismo, asuntunan ekonómiko, transporte y telekomunikashon di Parlamento, a reuní ku representantenan di e proveedornan di marshe dia 7 di novèmber 2023. Tabata durante e seshon Parlamentario krusial akí ku a anunsiá e tantu sperá inaugurashon di e marshe nobo, programá pa 5 di desèmber 2023.

Den kontesta na e konsultashonnan di Parlamentarionan tokante e retraso den e inaugurashon adelantá, Lambriex a sita un kambio den konseho komo rason. Sinembargo, segun e proveedornan di marshe, nan no a keda notifiká di e kambio akí i no a risibí ningun aktualisashon desde e reunion di e komishon di TEATT di Parlamento di 7 di novèmber 2023.

Siman pasa Lambriex a emití un komunikado di prensa anunsiando ku despues di un reunion desisivo di Konseho

di Minister, a yega e momento pa kuminsá di e marshe nobo, ku ofisialmente ku e tabata musta espasio di parker na e lokalidat aktual di e marshe na Philipsburg.

Kompañando e banda drechi. “Nunka komunikado di prensa mi a mira e imágen akí

tabatin un imágen aéreo promé,” Grell a bisa. “Pa loke mi ta dedusí for di e kontestanan di e minister, e espasionan di stashonamentu akí ta destiná pa taksi.”

promé,” Grell a bisa. “Pa loke mi ta dedusí for di e kontestanan di e minister, e espasionan di stashonamentu akí ta destiná pa taksi.”



Saba di tres lugá torneo di vòlibòl

Felisitashon i bon biní na kas na e tim di vòlibòl Saba Aces. E ekipo a kompetí den ‘Dutch Sisters Classic’ na St. Maarten durante e wikènt di Pasku i a terminá na di tres lugá.



ARUBA

Premio Nacional di Teatro 2024 Instituto Pedagogico Arubano

ORANJESTAD -- na Instituto Pedagogico Cultura Aruba drs. Den un ambiente masha Arubano, (IPA), Director Siegfried Dumfries, placentero y familiar mes, di Departamento di a haci anuncio oficial



Pa miembranan di OCTA

Prome Minister a participa na e Green Overseas Programme Workshop

ORANJESTAD -- Durante su discurso, Prome Minister a duna su punto di bista riba e 3 areanan aki.

Transicion di Energia
Transicion di e Energia ta hopi importante pa un pais. Unabes haci e transicion pa energia limpi, lo reduci e dependencia di e isla riba combustibel fosil, kitando asina un peso grandi riba e costo di bida y economia di un pais pa motibo cu esaki ta depende di prijs mundial di petroleo.

Resiliencia di Energia
E Resiliencia di Energia unda e islanan mester contribui na e debate global riba cambio climatico, por ehempel cu e de-carbonisacion, principalmente cu e

reduccion di e emision di Co2 den atmosfera.

Financiamiento climatico

Prome Minister a pone enfasis riba e acceso na financiamiento climatico, cual lo permiti e islanan realisa e Adaptacion Climatico, cu ta rekeri inversionannan grandi den infraestructura pa prepara pa e efectonan di e cambio climatico. Ehempelnan ta e aumento di e nivel di awa di lama, clima extremo y segura cu ta echonan cu ya no por wordo evita.

Na final di su discurso, e mandatario a indica cu pa tin un maneho responsabel y exitoso pa loke ta cambo climatico, tur hende mester duna di nan parti. "Ta solamente uni, nos lo logra", Prome Minister a expresa.

di Premio Nacional di Teatro na drs Marilyn Richardson, kende ta Algemeen directeur di Instituto Pedagogico Arubano.

Riba Dia Mundial di Teatro 27 di maart, den un sala completamente yen cu'n diversidad di expresion y pensamiento artistico y creativo; a ser entrega e Premio Nacional di Teatro 2024 na Instituto Pedagogico Arubano. (CKV Teatro) y den e mesun rosea a ser entrega diferente reconocimiento special na maestronan di nivel superior di teatro manera: Amy Lasten, Fenke Hooijmaaijers, Gloria Bryce, Olga G van Bochove, Daylan Krozendijk, Emerita Emerencia, Emira Tromp, Cecilia Besselink, Takhai Mohammed, Angelo Luis Angela, Jarmine MedinaAcosta, Madeleine Kelly, Joan Danies, Mario Flores, Daylan Krozendijk, tur esaki como muestra di aprecio y balor pa nan

tremendo trabao y aporte pedagogico brinda na bienestar y desaroyo di teatro aki na Aruba.

Tur aña ta ser entrega un obra di arte crea p'e artista Sr. Frank Croes, cu a traha e diseño di tur e reconocimiento entrega den pasado y for di 2019 a cuminsa c'un obra nobo cu su persona a yama: Alma Liber.

Tambe a ser entrega un certificado personalisa di Premio y Reconocimiento Special cu Ministerio di cultura Aruba, conhuntamente cu Departamento di Cultura a firma pa haci entrega oficial durante e anochi maravioso di celebracion. Titulo di Obra: Alma Liber. Poema: Habri bo halanan Bula, Bay den tur libertad, Crusa frontera, No laganan gara bo, No laganan silencia bo, Sigui Expresa. Bo ta crea, Bo ta skirbi, Bo ta declama, Bo ta actua, Bo ta balia, Bo ta Alma Liber. Autor: Frank Croes.



KÒRSOU

Meter di parker nobo di energia solar

WILLEMSTAD -- Kòrsou ta preparando pa introdusí meter di parker na Punda i Otrobanda ku e anunsio ku lo instalá 44 parkeo nobo ku energia solar. E desaroyo akí ta sigui e firmamentu di un akuerdo di maneho entre e minister di VVRP, Charles Cooper i Stichting Willemstad Parkeer Beheer dia 26 di mart.

E fundashon, un kolaborashon entre Downtown Management Organization (DMO) i Sosiedat di Komersiantenan di Otrobanda (SKO), ta

primintí di reinvertí tur ganashi di e proyekto di stashonamentu den sentro di siudat.

E akuerdo ta enfatisá tambe un tarifa fiho ku e fundashon lo paga Gobièrnu. Ademas, e fundashon lo traha huntu ku Securitas BV i Flowbird SAS, pa e maneho di e parkeo ta operashonal den un periodo di sinku luna. E tarifa ta keda meskos, un florin pa ora.

Outomobilistanan den Punda i Otrobanda pronto lo por paga nan lugá di parker na diferente manera,


inkluyendo e aplikashon Mobil Curaçao Flowbird. E aplikashon akí ta permití pa paga gastunan di parkeo ku karchi di krédito, òf di débito.

Ku e sistema akí, e outo ku matrikulá ta direktamente konektá ku e pago, sin ku e shofùr mester bai e meter di parker. Ademas tin e opshon pa paga adelantá ku e karchi di stashonamentu di Kòrsou, òf paga ku sèn di moneda.

E 'Flowbird Strada Generation 3' nobo ta primintí di ofresé un solushon efisiente i

respetuoso ku medio ambiente via nan gran pantayanan di koló i funshonamentu di energia solar. Agentenan ku ta

spesialmente kapasitá lo monitòr e kumplimentu ku e reglanan di parkeo, ekipá ku vehíkulonnan spesial pa e tarea akí.



Tokante abolishon di sklabitut

Museo Tula ta lansa iniciativa pa informashon di barío

WILLEMSTAD -- Fundashon Museo Tula ta bai drenta den diferente barío pa eduká riba abolishon di sklabitut. E esfuerso akí ta diseñá pa oumentá e konsiensia i komprondementu di e komunidat lokal tokante e parti di historia akí.

E proyekto ta yama 'Light agent' den e distrito i lo kuminsá ku un seshon di informashon dia 16

di april na e edifisio di SITEK, unda empleadonan eksistente lo ta prepará pa kompartí konosementu.

E agentenan ku ya ta aktivo den promoshon di edukashon i konsiensia tokante e legado di sklabitut, ta risibí seshonnan di entrenamentu adishonal. E seshonnan akí, sinku na total, ta diseñá pa ekipá e personal ku konosementu detayá di

abolishon di sklabitut na 1863, su konsekuensianan i e importansia di hustisia restorativo. E meta no ta solamente pa informá komunidat, pero tambe pa inspirá diálgo i reflekshon riba e impakto di sklabitut riba sosiedat kontemporáneo.

Fundashon Museo Tula ta enfatisá e importansia di e kompromiso edukativo akí, ku ta bai mas leu ku

e método tradishonal di transmishon di historia. Pa medio di kontakto direkto ku komunidatnan, e proyekto ta buska un komprondementu mas profundo i un konekshon mas fuerte ku e pasado. E iniciativa akí ta hunga un ròl krusial den promové un diálgo inklusivo riba e pasado di sklabitut di Kòrsou i su efektonan a largu plaso.

E proyekto 'Lichtagent in de Wijk', ta enfatisá e importansia di konosementu i komprondementu di e pasado di sklabitut komo pasonan esensial pa un komunidat hustu i informá. Usando e agentenan komo konstruktornan di brùg, Museo Tula ta spera di pone e fundeshi di un legado duradero di komprondementu i rèspè pa historia kompartí.

Diskushon ta terminá den asesinato

WILLEMSTAD -- Un insidente serio a tuma lugá djaweps anochi ku a

kobra bida di un hòmer den Pampanostraat, Marie Pampoen, despues di un

diskushon kresiente ku otro individuo. E insidente trágiko ku a tuma lugá rònt

di 7'or, ta marka e di dos kaso di asesinato na Kòrsou den un tempu kòrtiku.

Segun Polis, Sentral di Polis a risibí informashon di un tiroteo den e kaya en kwestion. Na yegada, e servisio di emergensia a topa un hòmer ku heridanan mortal di bala. Apesar di e yegada rápido di personal di ambulans, ya no por a duna asistensia pa salba bida. Dòkter di Polis a deklará morto na e sitio.

Investigashon preliminar ta indiká ku e víktima a partisipá den un enfrentamento físiko despues di un bataya verbal, despues di kua e

banda kontrario a tira vários bala. E presuntu outor, un bendedó di koko di e zona di inisial J.H., a hui despues di e echo.

Polis a kuminsá un investigashon ekstenso riba e asesinato i aktualmente ta kolektá prueba i deklarashon di testigunan pa por arestá e outor mas pronto posibel.

Outoridatnan ta pidiendo kualkier persona ku por tin informashon di e insidente ku ta presentá. Polis ta enfatisá e importansia di sosten komunitario pa resolvé e kaso akí i promové un ambiente mas sigur pa tur residente.



DEPORTE

Titans U17 i U15 kampion torneo internashonal na Kòrsou

KRALENDIJK -- E kampionnan Titans U17 a yega Boneiru bèk despues di a partisipá na un torneo internashonal na Kòrsou ku a tuma lugá di 28 pa 31 di mart, ku partisipashon di ekiponan for di Aruba, Boneiru, Sint Maarten, Saint Martin i mas ku klaro Kòrsou mes.

Dia 27 di mart e ekipo di U17 a hunga

un wega amistoso kontra selekshon di Kòrsou, miéntas a hunga diferente wega kontra e timnan di Kòrsou i Sint Maarten, kaminda ku nan a sa di batayá i yega final kontra e ekipo di Sint Maarten. E partido a ranka sali i tabata e ekipo di Sint Maarten ku a anotá e promé gol i hasi e partido 1-0. E ekipo U17

di Boneiru no a pèrdè speransa i a batayá i ta logra empatá e partido 1-1 i mester bisa ku e partido ta bin kaba tambe na e skor di 1-1.

Mirando ku e skore a keda 1-1, esaki a pone ku e ekiponan mester a bai penalty kaminda ku e ekipo di SV Titans ta bai ku e viktoria di 3-1 i titulá kampion di e torneo den

kategoria U17.

Tin ku bisa ku pa loke ta e tin di mucha muhé U15 di SV Titans, tambe a partisipá na e torneo di

kua nan tambe ta titulá kampion. Un pabien ta bai na ámbos ekipo ku a saka kara di Boneiru den e torneo akí.





OPTENIBEL NA

Kuranderia popular



Natural i spiritual

Un proyekto di Unesco i FuHiKuBo

Ofisina di FuHiKuBo

Ofisina di Extra

Del Mar BV

\$17,50



Eksitoso Kopa ABC tènis di bich

Dianan 22, 23 en 24 di mart, a organisá pa di dos aña Kopa ABC di bich di tènis. Na e torneo e partisipá 160 hungadó prosedente di Aruba i Kòrsou. Djabièrnè i djasabra a hunga e weganan di pul pa asina djadumingu hunga e weganan di kuart, medio i final.



15.6" HP Laptop
AMD Processor
8 GB RAM
Windows 11

\$439
SPECIAL PRICE


hp OFFICIAL STORE

Gift Backpack Included




CityShop
Smart shopping ▶ Better living

Get HP Original Products,
we are their Official Store on Bonaire.





Wireless Keyboard & Mouse **\$39.95**



8.7" Samsung Tablet **\$209**

Smartphones & Smartwatches
with warranty & support



STARTING AT **\$245**